

turbas daret. Alioquin Aristotelicam Philosophiam Scholis
ac Professoribus suis non nisi eatenus commendasse, tradiq;
voluisse prudentissimos Scholarum Curatores, quatenus ea
Sacris literis præcipue, dein veritati, rationis rectæ principiis
& experimentorum evidentiæ non repugnat, non solùm re-
scripta quædam peculiaria olim noviterq; declarârunt, sed
quotidiana Philosophorū per omnes Academias, & inculpata
quidem ea, nec improbata unquam, praxis abundè docuit.
Audiatur e. g. JOH. ZEISOLDUS, antehac in alma ad Salam
Academia Præceptor noster, & Peripateticæ Philosophiæ
Promotor strenuus ac celeberrimus, in Theoria corp. Nat.
Disp. I. sub introitum ita loquens: *Physicam ex Aristotele pro-
positurus, hoc non intendo, ut ipsi ipsiusq; placitis simpliciter adha-
rere studeam, cum ne quidem Sapientiæ cultorem deceat, ut autho-
ritatibus plus justo tribuat, & rationum momentis sepositis se man-
cipium alienæ libidinis efficiat; sed illa Aristot. dogmata me am-
plexurum illisq; ipsius sententias me subscripturum profiteor, quæ
naturæ institutioni conformia & rationi consentanea sensero &
deprehendero. Secus sicubi res habuerit & aliud, ac Aristoteles
docuit statuitve, Natura, ut Dux, & Rectaratio, ut Judex, mi-
hi monstraverint, liberam & promptam ab eo secessionem quin fa-
cturus sim, non est ut quis addubitet.* Audiatur Henricus Ju-
lius Scheurl Moral. & Civil. P. P. Helmstadiensis in Bibliogra-
phia Morali num. CXIII: *Laudamus Aristotelem, inquit, sed
non cum mundi aeternitatem afferit, vel adulterium committè
negat, nisi committatur ex habitu, vel deniq; cum abortum pro-
curare genitosve in conjugio liberos exponere licere arbitratur.*
Audiatur de Lipsiensium Academia recens-vulgatum ipsius
consensu præscituq; testimonium: *Tametsi jam ante duo cum
dimidio secula Aristotelica Philosophia studium amplexa fuerit,
non omnia tamen Aristotelica, ut vulgo persuasum est, Oraculo-
rum Delphicorum loco habet, quin ea, quæ aut Christianæ religi-
oni aut manifest rationi refragantur (nec enim Aristotelem ho-
minem*